

傷寒證治準繩帙之三

金壇王肯堂輯

門人南昌張

緯校

陽明病

胃實不大便

自汗

不得卧

潮熱

譫語

狂亂

循衣摸牀

渴

嘔

乾嘔

黃陽明之爲病胃家實是也謂之正陽陽明屬下證輕則大柴胡重則大小承氣此邪自陽明經傳入府者經曰陽明病脉遲雖汗出不惡寒者其身必重短氣腹滿有潮熱者此欲解可攻裏也手足濇然汗出者此是大便已鞅也大承氣主之若汗多微發熱惡寒者外未解也其熱不潮未可與承氣湯若腹滿不通者可與小承

氣湯微和胃氣勿令大泄下謂陽明亦有在經者未全入府猶宜解外縱有大滿大府不通亦不過小承氣微下之入胃在經猶宜兩審也其陽明一證少有自病多因太陽傳入兼與太陽陽明合病用葛根湯者是也少陽陽明合病用黃芩芍藥湯者是也自少陽傳入陽明及未合併病者亦然。

陽明經治法有汗吐下溫和解刺

汗

桂枝湯

麻黃湯

五苓散

此亦作汗劑

麻黃連軀赤小豆湯

吐

梔子豉湯

下

調胃承氣湯

大承氣湯

抵當湯

麻仁丸

茵陳蒿湯

小承氣湯

溫

吳茱萸湯

四逆湯

和解

白虎湯

白虎加人參湯

猪苓湯

小柴胡湯

蜜導煎

猪膽汁

土瓜根

梔子槲皮湯

刺

熱入血室刺期門

問曰病有太陽陽明有正陽陽明有少陽陽明何謂也

荅曰太陽陽明者脾約是也

經曰太陽脈浮而瀉浮則

相搏大便則難其脾為約也

胃氣強瀉則小便數浮瀉

日發汗不解蒸蒸發熱者屬胃也調胃承氣湯主之正

陽陽明者胃家實是也少陽陽明者發汗利小便已胃

中燥煩熱大便難是也

宜小承氣湯微瀉之蓋少陽復

入太陽經酒洗入陽明經病之高下全在酒之多少以

引之耳又按太陽陽明正陽陽明承氣湯中俱用酒浸

惟少陽陽明為下經故小承氣湯中不用酒浸也以此

推之則太陽陽明當用調胃承氣湯蓋以調胃承氣既

附在太陽篇中而大黃下註曰酒浸正陽陽明當用大承氣其大黃註曰酒洗少陽陽明當用小承氣湯不惟大黃不用酒浸洗而少陽禁汗下故去芒硝之峻劑而且當少少與之也書此以駁成氏之誤又須識太陽陽明脾約在少陽陽明又可大柴胡也又有說在不大便之條

問曰何緣得陽明病

答曰太陽病發汗若下若利小便此亡津液胃中乾燥

因轉屬陽明不更衣內實大便難者此名陽明也（成本太陽

病不解因發汗利小便亡津液胃中乾燥太陽之邪入府轉屬陽明古人登廁必更衣不更衣者通為不大便不更衣則胃中物不得泄故為內實胃無津液加之蒸熱大便則難為陽明裏實也傷寒脉浮

而緩手足自溫者是繫在太陰太陰者身當發黃若小

便自利者不能發黃至七八日大便鞭者為陽明病也

（成）浮為陽邪緩為脾脉傷寒脉浮緩太陰客熱邪在三陽則手足熱邪在太陰則手足溫邪在少陰厥陰則手

足寒今手足自溫是知繫在太陰也太陰土也為邪蒸之則色見於外當發身黃小便自利者熱不內蓄不能發黃至七八日大便秘者即陽明病若能食名中風

不能食名中寒成陽明病以飲食別受風寒者以胃為水穀之海風為陽邪陽氣殺穀故中風

者能食寒為陰邪陰邪不能食殺穀故傷寒者不能食陽明病但頭眩不惡寒故

能食而欬其人必咽痛若不欬者咽不痛其字从目眩之眩

玄謂其眼中黑暗也頭眩之眩當作若藥不瞑眩之眩訓之謂眩憤亂也謂其頭岑岑然憤亂而不寧也凡義

皆當活看不可拘執成陽明病身不重痛但頭眩而不惡寒者陽明中風而風氣上攻也經曰陽明病若能食

名中風風邪攻胃胃氣上逆則欬咽門者胃之系欬甚則咽傷故必咽痛若胃氣不逆則不欬其咽亦不痛也

胃氣主嘔肺氣主欬成氏以胃氣上逆則欬恐非蓋風邪侵肺也肺雖不為足經肺主氣風為氣類

陽明病不能食攻其熱必噦所以然者胃中虛冷故也

以其入本虛故攻其熱必噦成不能食胃中本寒攻其熱復虛其胃虛寒相搏故

令噦也經曰關脈弱胃氣虛有熱不可大攻之熱去則寒起此之謂也陽明病脈遲食

難用飽飽則微煩頭眩必小便難此欲作穀疸雖下之

腹滿如故所以然者脈遲故也成陽明病脈遲則邪方入裏未化為熱也胃中

有寒食難用飽飽則微煩而頭眩者穀氣與寒氣相搏也寒熱相搏必小便難利者不能發黃言穀熱得泄也

小便不利則穀氣醞釀成熱不得泄出身必發黃疸黃也以其發於穀氣之熱故名穀疸熱實者下之則愈脈

遲為寒故雖下之祇益其寒腹滿陽明病欲解時從

申至酉止陽明燥金旺於申酉戌向旺時是為欲解傷寒嘔多雖有陽明

證不可攻也見嘔陽明病面合赤色不可攻之必發熱

色黃小便不利也成合通也陽明病面色通赤者熱在經也不可下之下之虛其胃氣耗其

津液經中之熱乘虛入胃必發熱色黃小便不利也。
張大陽明病理必近于可下但以面赤其熱猶在經故
云不可攻若攻之則經中之熱悉入于胃鬱
蓄而發黃色譬如下之太早成結胸之類
陽明病

心下鞕滿者不可攻之攻之利遂不止者死利止者愈

煎用鹽水以熬其氣枯也
人稟奉清熱也胃中
 用鹽水煎取汁
同大文之熱主順寒或此文謂也氣上
 令熱也鹽曰關謂脾胃虛弱
 以其人本虛故文其熱必
無其虛其胃也寒時則其
 以其人本虛故文其熱必

胃實不大便

大便難

大便鞭

燥屎

不大便大便難大便鞭燥屎悉屬裏證宜下者多矣然而有表未罷風濕相搏尤宜先解表已而下之可也如經曰傷寒不大便六七日頭疼有熱者小便清知不在裏仍在表是也其證多見于陽明蓋胃土萬物所歸無所復傳自太陽少陽傳入者衆所共知而於三陰傳入者鮮或能識若能熟視其微則三陰有急下之證多矣豈非仲景之微意歟

無太陽陽

有汗桂枝

胃實有表者先解表傷寒不大便六七日頭痛有熱者與承氣湯其小便清者知不在裏仍在表也須當發汗

若頭痛者必衄宜桂枝湯三時羌活湯成不大便六七日頭痛有熱者故宜當下若

小便清者知裏無熱則不可下經曰小便數者大便必

者不可責邪在裏是仍在表也與桂枝湯以解外若頭

痛不已為表不罷鬱甚于經迫血妄行上為衄也○丹

謹按外證未解不可下下為逆今頭痛有熱宜解表反

與其承氣正是責其妄下之過也故下文又言小便清者

知其無裏邪不當行承氣又繼之曰當須發汗曰頭痛

必衄血宜桂枝湯反覆告戒論意甚明而註反直曰故

當宜下想因六七日不大便爾雖不大便他無所

苦候表解然後攻之正仲景法也註意似未瑩

明病脉浮無汗而喘者發汗則愈宜麻黃湯陽明病

脇下鞕滿大便不利而嘔舌上白胎者可與小柴胡湯

上焦得通津液得下胃氣因和身濈然汗出而解也陽

病腹滿不大便舌上胎黃者為邪熱入府可下若脇下

鞕滿雖不大便而嘔舌上白胎者為邪未入府在表裏

之問與小柴胡湯以和解之上焦得通則嘔止津液得下則胃氣因和汗出而解

陽明中風

脉弦浮大而短氣腹都滿脇下及心痛久按之氣不通鼻乾不得汗嗜卧一身及面目悉黃小便難有潮熱時時噦耳前後腫刺之小差外不解病過十日脉續浮者與小柴胡湯脉但浮無餘證者與麻黃湯若不尿腹滿加噦者不治

脉浮大為陽風在表也弦則為陰風在裏也短氣腹滿脇下及心痛風熱壅於腹中而不通也若寒客於內而痛者按之則寒氣散而痛止此以風熱內壅故雖久按而氣亦不通陽明病鼻乾不得卧自汗出者邪在表也此鼻乾不得汗而嗜卧者風熱內攻不干表也一身及面目悉黃小便難有潮熱時時噦者風熱攻于胃也陽明之脉出大迎循頰車上耳過客主人熱勝則腫此風熱在經故耳前後腫刺之經氣通腫則小差如此者外證罷則可攻若外證不解雖過十日脉續浮者邪氣猶在半表半裏與小柴胡湯

若其脉但浮而不弦又無諸裏證者是邪但在表也可與麻黃湯以發其汗若不尿腹滿加歲者關格之疾也故云不治難經曰關格者不得盡其命而死

口苦咽乾脉浮緊宜和陽明中風口苦咽乾腹滿微喘

發熱惡寒脉浮而緊若下之則腹滿小便難也

發熱惡寒表未

解也而誤下之則亡陰無陰則陽無以化故腹滿小便難也許學士云宜小柴胡湯

陽明腹滿

脉浮緊口苦咽乾而喘若發熱汗出不惡寒反惡熱身

重者忌發汗忌加燒針忌下

論見自汗

陽明病脉浮而緊

者潮熱發作有時但浮者必盜汗出

右胃家實不大便雖三尺之童亦知可下也殊不知

仲景之法雖有胃實證若表未解及有半表者亦先

一用桂枝柴胡以解外然後視虛實消息之也

胃實表解無證者忌攻大便鞭者導之陽明病自汗出若發汗小便自利者此為津液內竭雖硬不可攻之當須自欲大便時宜用蜜煎導而通之若土瓜根及人猪膽汁皆可導之

蜜煎導法

用蜜七合入銅器中微火熬稍疑似飴狀攪之勿令焦候可丸以手捻作挺子令頭銳大如指長二寸許乘熱急作之納穀道中用手急捺住欲大便時乃去之
又猪膽汁方用大猪膽一箇瀉汁和醋少許和

傷寒胃實 卷之三
勻灌入穀道中如飯時頃大便自去

便鞭無所苦者俟之太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴此轉屬陽明也小便數者大便必鞭不更衣十日無所苦也渴欲飲水少少與之但以

法救之渴者宜五苓散

成太陽病脈陽浮陰弱為邪在表今寸緩關浮尺弱邪氣漸傳

裏則發熱汗出復惡寒者表未解也傳經之邪入裏裏不和者必嘔此不嘔但心下痞者醫下之早邪氣留於心下也如其不下者必漸不惡寒而渴太陽之邪轉屬陽明也若吐若下若發汗後小便數大便鞭者當與小承氣湯和之此不因吐下發汗後小便數大便鞭若是無滿實雖不更衣十日無所苦也候津液還入胃中小便數少大便必自出也渴欲飲水者少少與之以潤胃氣但審邪氣所在以法救之如渴不止與五苓散是也

○張或問上條云小便數者大便必鞭不更衣十數日無所苦也嘗有四五日六七日不大便者即為攻之今言十日不更衣而不用攻伐何也曰此非結熱乃津液不足雖十日不更衣亦無所苦也經曰陽明病本自汗出醫更重發汗病已瘥尚微煩不了了者此大便必鞭故也以亡津液胃中乾燥故令大便硬當問其小便日幾行本小便日三四行今日再行故知大便不久出為小便數少以津液當還胃中故知不久大便也夫不便者若有潮熱譫語可下之證者然後可以攻之其不大便而無諸下證者此津液不足當須自審慎勿以日數久而輒為攻下也

陽明病本自汗出醫更重發汗病已差尚微煩不了了者此大便必鞭故也以亡津液胃中乾燥故令大便鞭當問其小便日幾行若本小便日三四行今日再行故知大便不久出今為小便數少以津液當還入胃中故知不久必大便也

胃實表解有證者隨證攻之陽明病潮熱不大便六七

日恐有燥糞欲知之法少與小承氣湯轉失氣者有燥

屎可攻若不轉失氣者無燥屎不可攻方論見潮熱陽明病

汗出大便鞭而讞語者宜小承氣湯方見讞語不大便腹

滿者宜下之若但繞臍痛者則為燥屎宜承氣湯若

心下至小腹滿痛者則為結胸宜陷胸湯論見腹陽明

病不吐不下心煩者可與調胃承氣湯成註吐後心煩謂之內煩下後

心煩謂之虛煩今陽明病不吐不下心煩則是胃有鬱熱也與調胃承氣湯以下鬱熱○按陽明一證分為太

陽正陽少陽三等而以調胃大小承氣下之者按本草曰大黃酒浸入太陽經酒洗入陽明經浸久於洗得酒

氣為多故能引之於至高之分若物在山巔人迹不及必射以取之也故仲景以調胃承氣收入太陽門而大